

此謂得守者生失守者死

得守者本位而五神各得其居即神光乃

圓明而聚矣故一切邪不犯之乃生也

得神者昌失神者亡

老子云氣來入身謂之生神去於身謂之

死故曰命由神生命生神在即命生神去

即命天矣所謂神遊失守即不能身故不

可便死也其主管在頭上三尊高位靈主

言也即太一帝君在頭曰泥丸總神也無

英君左制三魂也白元君右拘七魄也即

魂為陽神也魄為陰鬼也若無上三虛主

之神離位者死今五神失守亦有主歸即

神光不聚圓光亦缺故邪干犯之若神失

守其位即知人生神昌

黃帝內經素問遺篇卷之五

素問入式運氣論奧序

朝散郎太醫學司業劉溫舒撰

所七

夫醫書者乃三墳之經伏羲觀天文造甲曆

神農嘗百草製本草黃帝論疾苦成素問因

知其道奧妙不易窮研自非留心刻意豈達

玄機且以其間氣運最為補瀉之要雖備見

黃帝與岐伯鬼史區問對分條篇章卒無入

法稍難施用余性識偏陋竊慕真風棲心聖

典稍有歲月雖更役塵勞之暇亦未嘗暫捨

筆筆斯文久以盈軸莫不究源附說解惑分

圖括上古運氣之秘文撮斯書陰陽之精論

若網之在網珠之在貫粲然明白發明奧義

咸有指歸詎飾文辭庶易曉暗使覽者經目

頓知妙道幾過半矣詎敢沽譽且畏醫藥之

差誤遺人天殃絕人長命爾元符己卯歲丁

丑月望日序

素問入式運氣論奧目錄

卷上

五運六氣樞要之圖

六十一年紀運圖

十干起運訣

十二支司天訣

論五行生死順逆

論十二支

論六化

論六氣時日

論六氣標本

論五天之氣

論月建

論主氣

論天符

卷中

論五音建運

論天地六氣

論客氣

論天符同歲會

論南北政

卷下

論紀運

論手足經

論九宮分野

論六病


論六脉
五行勝復論

論治法


目錄

素問入式運氣論與卷上

五運六氣樞要之圖



六十年紀運圖



十干起運訣



十二支司天訣



五行生死順逆之圖



論五行生死順逆第一

五行相生相剋其理昭然十干十二支五運六氣歲月日時皆自此立更相為用在天則為氣寒暑燥濕風在地則成形金木水火土形氣相感而化生萬物此造化生成之大紀